

مُشَاطِقَاتُ الْقُرْبَانِ

دائرة مخصوصه

درسعادتده باب عالی جوارنده

محل اداره :

اخطار :

مسلكمزه موافق آثار جديده مع المنوئيه
قبول اور انور

درج ابدله بن آثار اعاده اور انور

ديبر، فلسفه، علوم، حقوق، ادبيات، سياسيات، و بالخاصه كرك سياسي و كرك اجتماعي و مدني احوال و مشور و اسلاميه و در بحث ايدر و هفته ده بر نشر اور انور.

آبونه بدلی

صاحب و مؤسسلری :

درسعادتده نسخہ سی ۵۰ بارہ در

ابوالعلا زین العابدین - ح . اشرف ادیب

سنہ لکی الی آیلنی

قیرلہ دن مقوا بورو ایله کوندریلیرسه سنوی
۲۰ غروش فضله آلنیر

تاریخ تأسیسی
۱۰ تموز ۳۲۴

ممالک عثمانیه ایچون	۶۵	۳۵	غروش
روسیه	»	۶۰	۳۰۵ روبله
سائر ممالک اجنبیه	۱۷	۹	فرائق

عدد : ۹۳

۸ جمادی الآخر ۳۲۸ پنجشنبه ۳ حزیران ۳۲۶

در دنجی جلد

بعض منکرلر عناصر مادیه نك استیحالات متتابعه سی سر رشته اتخاذ ایدہ رك الغاز کفریہ قیلندن بر لغز ترتیب ایدرلر و دیرلر کہ :
المزده بر بالومی وار . بز اندن اولاً بر خروس صکرہ بر آت صکرہ دہ بر دوه یایدق بال مومنی تکرار بو شـ کلردن تجرید ایلہ بر طوب حالنہ قویدق . اولکی شکلری اعادہ ایتک ایستہ یورز . فقط خروسی اعادہ ایتسہک آت قالہ جق ، آتی اعادہ ایتسہک دوه قالہ جق ، دوه یی اعادہ ایتسہک آت ایلہ خروس قالہ جق نہ یایلم ؟

مثال يك واضح اولدیغندن تفصیلنہ لزوم یوقدر . انجق بو کبی اشکالات عقلیہ عجز بشردن متولد وهمیات صرفہ قیلندن اولدیغندن عجز بشرہ کورہ حائز معنی ایسده قدرت الہیہ نظرأ سوزدن بیلہ معدود دکلدر . عقلی ، انصافی اولان بر آدم بو کبی ترهائی بش پاره یہ آلماز . یالکز بونی ذهننہ قویوبده انکارندہ اصرار ایدن بیچاره نك حالنہ اجیر !

کر صد هزار سال همه خلق کائنات
فکرت کنند در صفت قدرت خدا
آخر بعجز معترف آیند کای اله
دانسته شد که هیچ ندانسته ایم ما

فرید

ماضی ۛ عطف نظر

نہ ایدک نہ اولد

سبل العربدن صکرہ جزیرہ العربیہ ہجرت ایدن اون بر قبیلہ عربیہ وادی القراذہ قرار و ذاتاً ذرع وضرعدن عاری اولان ام القری ایسہ بر قبیلہ یی اعاشیہ غیر مساعدا یکن اون بر قبیلہ نك صحرای قفرادہ اجتماعی قحط و غلا ایلہ نزاع و فزاعی داعی اولہرق اول ائنادہ عریفہ اعراب اولان طریفہ نك مشورت و ارشادیلہ قبائل عرب جزیرہ نك سوریه و عراق جہتلرینہ شدرحال مهاجرت و خدای نابت حشائش ارضیہ و بالک اولدقلری لانسمن ولاتغنی من جوع بہائم سائمہ لری سودلریلہ تعیشہ قناعتلہ یکانہ علم و معرفت لری اولان نظم اشعار و حفظ انساب ایلہ اوانکذار وکاه عبدہ نجوم ایلہ صائینہ التحات وکاه عبدہ اوٹانی تقاید ایلہ درکۂ بت پرستیدہ رھرو دارالبوار ایکن افق بطحادن شمس جہانتاب ہدایت جہۂ پاک محمدیدن لمعان ومدت وجیزہ ظرفندہ ظلمات جہالتدہ پویان اولان جہلۂ عربان انوار علوم و معارف اسلامیہ ایلہ چہار اقطار جہانی تنویر ایدرک اساتذہ جہان اولمشلر ایدی . اون بر قبیلہ عربیہ دن دیانت معظمۂ اسلامیہ یی اعتناق ایدنلر یالکز قریشدن برقاج نفروحتی عائلہ پیغمبری اولان بنی ہاشم حضرت حیدر کراردن بشقہ جملہ سی جناب رسالتابہ منفعل و مغبر ایکن عزم ہایونلرینہ فتور کلیہ رک دعوت و ارشاددہ دوام و ہر درلو مہالک و مزاحمی اقتحام ایلہ وظیفۂ نظیفۂ رسالتی ایفایہ بذل مساعی و اقدام بیورمشلر ایدی اون اوج سنہ مدت مکدہ کفار

قریشی دینہ دعوت ونہایت (انک لاتہدی من احببت ولکن اللہ یہدی من یشاء) فرمان جلیلنہ مطاوعتلہ کفار مکدن مأیوس و بلکہ طائفہ برقاج کشی یی ارشادہ موفق اولور امیدیلہ اولجانبہ توجیہ وجہۂ عزیمت بیوردقلری حالہ کفار طائفہ مکہ لیلردن بدترو عاقبت عموجہ سی عقبہ نك قہوسنہ مراجعتلہ بر ایچم صو طلبنہ تنزل بیوردقلری حالہ اول مردعنید بر جرعہ مائی دریع و قابونی وجہ سعادتلرندہ سد و بند ایلہ عدم قبولی تبلیغ ایلدی . اول ائنادہ سلطان انبیا ارقہ سی دیوارہ طیاہرق جناب قاضی الحاجاتہ (رب انی اشکوا لیک عجزی وضعف متنی و هوائی علی الناس) دیو رفع ایدۂ تضرع و نیاز بیورمشلر ایدی .

طائفدن دخی مأیوساً مکہ یہ عودت بیوردقلرندہ حیات سعادت لری حقدنہ سوء قصد اجراسی بین القبائل قرار کیر اولدینی وحی جلیل ایلہ کندیسنہ اخبار و مدینہ یہ ہجرتی امر و اخطار بیورلمسیلہ مدینہ یی تشریف بیورمشلردر .

ارہ سی چوق کچمدن قافلہ سالار انبیا تأیید جلیل ربانی ایلہ غزوات و محاربات واقعہ دہ طائفۂ کفاری منہزم و بریشان و مال و منال لری اغتنام ایلہ زمرد مجاہدینہ احسان بیوردقلری کبی اون بر بیک غضنفر غزا پیکر ایلہ مکہ اوزرینہ زحف و مکہ یی فتح و تسخیر ایلہ کعبۂ معظمہ یی لوٹ اوناندن تطہیر و کفار خاکساری علف شمشیر بیورمشلر ایدی .
باشدہ ابوسفیان اولدینی حالہ کندیسیلہ و اصحابیلہ مکالمہ و معاملہ یہ تنزل ایتیمان صنادید قریش اہتدالرینی اعلان ایلہ طالب عفو و امان اولدقلری کبی عظمت و شوکت لریلہ جہانی تتردان قیصرلر قدرت و مہابت قدسیہ لرینہ والہ و حیران و دینہ دعوت خصوصاً سندہ تسیار بیوردقلری نامۂ ہایون و سفرای رسالت نمون پیغمبری با کمال توقیر و احترام ایلہ استقبالہ شتابان اولمشلر ایدی . عہد سعادتلرندہ نفوس اسلامیہ یوزلرچہ بیکارہ بالغ اولدینی کبی بر عصر کچمدن بر توانوار ہدایت اسلامیہ شرقدن غربہ و جنوبدن شمالہ شعشعہ پاش اولہرق قتیبہ چین و کاشغر پای تخت لرینی استیلا ایتکدہ اولدینی بر صرمد طازق بن زیاد درت بیک مجاہد ایلہ اندلسی استیلا و اسپانیای زبر و زبر ایدرک موسی بن نصیر ایلہ جزائر خاللات و اطلس طاغلرینہ وارہ سی چوق کیچمکسزین جیوش عباسیہ ناطولی یی قوۂ قاہرہ ایلہ فتح و تسخیر و ہارون الرشید اردولری اسکدارہ کلہ رک رومادولتی قہر و تدمیر ایلدیکلری ائنادہ اندلس سوادیلری بوردو و لیونی استیلا ایتک اوزرہ پیرنہ طاغلرینی کشت و کذار ایلیمکدہ ایدی .
معارف و صنایع غربیہ یہ نمونۂ مبہات اولہرق قبانونعدن ایکی نوع چوقہ ہارون الرشیدہ ارسال ایدن شارلمانہ معمولات اسلامیہ دن اولان ساعت ایلہ بغدادک زربافت دیبالری مقابله ائنادہ اولنقدہ ایدی .
بغداد دیوان العلومی اقامہ یاسی جزیرہ ابن عمر دہ شمسک کرۂ ارضدن بعدیتی قیاس و اجرام سماویہ نك سیار و ثوابتی ترصد ایلہ خریطۂ سماویہ یی ترسیم ایلہ مشغول اولدقلری ہنکامدہ قرطبہ و غرناطہ دارالفنونلری علوم طبیعیہ و ریاضیہ تدریساتیلہ ہر کون برد خارقۂ طبیعت و برسر مطلبم خلقتی کشف و تحلیل ایتکدہ ایدی . بوکون بزم اوروپایہ طلبہ ارسال

ایلدیکمز کی اوروپا دولتری مدارس اسلامیہ یہ قبول ایچونک مستعد
طلبہ لرنی ارسال وعلوم و معارف اسلامیہ یی استحصالہ بذل ماحصل
امکان ایلدیکده ایدی .

عاقبت مدینتک نتایج سیئہ سی اولہرق مسلمانلر رفاه و راحت
حضارتہ الودہ وذوق وسفاہتہ انہماک ایلہ عزملرینہ فترت واعصابلرینہ
رخاوت طاری اولہرق عراقده واندلسده شوکت اسلامیہ یہ ضعف
وفتورعارض وچیندن برسیل خریشان کی ممالک اسلامیہ یی زیروزبرایدن
تاتارلر دولت عباسیہ یی مضمحل وپریشان واندلس حکومت اسلامیہ سی
دخی عین علت ومرض ایلہ محو وبی نشان اولمقده ایکن دول اسلامیہ نک
ضعفندن بالاستفاده فرصتی غنیمت بیلن اهل صلیب بالاتحاد والاتفاق
سل سیف انتقام ایلہ شرقاً غرباً ممالک اسلامیہ یی استیلا و مسلمانلری
طرف طرف قتل وافتا ایلدیکده اولدقلری صرہده ظهور ایدن قیلج
ارسلانلر شیرکوهلر صلاح الدین لر ارطغرل لر بر آوچ سوارلر ایلہ اهل
صلیبی تارومار وازسرنوشوکت وعظمت اسلامیہ یی احیا ایلدیکلری کی
دودمان ال عثماندن نشئت ایدن قهرمانلر روما ویزانتین دولترینہ
خاتمہ چککک مغبوط جهان اولان استانبولی فتح وپای تخت سلطنت
اتخاذ ایلدیکلری کی حدود عثمانیہ یی خلیج فارس وبحر عماندن ویانہ
قاپولرینہ و آذربایجان طاغرلندن فاس حدودینہ ایصال ایلہ اورپای عصرلرحہ
ترتیش وبرزمان فرانسه قرانی حمایہ کی برعاطفت جهانگیرانہ دہ بولنش
اولدینی خالدہ و قتیلہ بر ایالت عثمانیہ دن معدود بولنان حکومت بالقانیہ
ویونان حکومتی کی بر عثمانلی ویودہ سنک چین وجینینہ قارشوتیرل تیرل
آریان حکومت صغیرہ نک الیوم تهدیدینہ معروض واوروپا حمایہ سیلہ
حوزہ ممالک اسلامیہ دن بالاخراج غصب ایلدیکلری ممالک وسیعہ عثمانیہ یہ
قتاعت ایتیمہ رک ایکوز الی بیک شہیدک قبرستانی وعموم عالم اسلامک
مطمح انظار امنیہ وامانیسی اولان کریدی بیلہ جسم دولندن قطع
وبوصورتلہ وجود دولندہ ناقابل التیام برجریحہ احدائیہ بحر سفید
سواحل عثمانیہ سنک تحت مخاطرہ یہ وضعی حقندہ کی مطامع یونانیہ
هروجدان حمیت نشانی داغدار ایدہ جک احوال الیمہ دندر . بز نہ ایدک
نہ اولدق ؟ ! عجبا بز اوجہانگیراجدادک احفادی اوغضنفر غزاة جہادک
اولادی دکلز ؟ اوقدیرت وشوکت نہ ایدی . بو عجز ومسکنت نہ در ؟
اوغیرت وشطارت نہ ایدی بوفتور وعطالت نہ در ؟ او حاست وشجاعت
نہ ایدی ؟ بو خوف وجبانت نہ در . قحط رجال می ؟ حاشا . قحط مال می ؟ حاشا .
قحط معدات می ؟ حاشا . قحط مهمات می ؟ حاشا . فقط فقد اتحاد ، فقدان غیرت .
بصرہ والی سابق ماردینی زادہ

محمد عارف

موسم مناسبیہ :

چو جقدر — کلکتر

کاغذخانہ

قابلامش نور اقسام بہار

چہرہ ابتہاج ماحضری ..

نہ کوزل بر طراوت سحارا

اوقشیور انجذاب ایدن نظری .



اھتزاز ایلدیکہ ناز ایلہ ہب
چمنہ خندہ سربپور ازہار ...
قوشلر الحان دلنواز ایلہ ہب
شاطرانہ ثنا کذار بہار .



کونش آیینہ جالندہ
کوستروب شعلہ حلاوتی
دوکیور خاکہ نشہ حالندہ
نور فیض احتوای صفوتی



منجلی بشقہ بر نہفتہ مال
اوچوشان خندہ لرلہ ہریردہ
باقکیز ، ایشہ بر آلی اطفال
شویشیل وادی مزہردہ



طوبلیور — ذوق وشوقہ مستغرق ..
کیمی اشکوفہ شکفتہ ، کیہ ..
فسنک قویمش اوستہ ، پیارق
کیمی سازلرلہ برظریف کلاہ .



ہب شطارت ایچندہ پویاندر
اوخ .. اونوباوہ حیات ! ... آنجق
برچو جقدر ، اوورد خنداندر
نچہ تمثال نوبہار اولہ جق .



نقدر خوش ، باقک ، نہ نشہ فزا
برتماشا بوروحی جذب ایدہ جک !
چن اوستنبہ برکشای صفا
کزییور صانکہ برسوری کلک

تپہ دلتلی زادہ

کامل

حسبحال

بزم آدم اولہ بیامہ من ایچون چو جوقلری میزی اوقو تمقدن ، ایجاب
عصرہ کورہ تربیہ ایتیمکدن باشقہ چارہ اولہ مایہ جغنی آ کلایان یاہیچ
یوقدر ، یاپک آذر . کنندیمز ایستر اوقومش ، ایستر اوقومامش ؛
ایستر ای بر تربیہ کورمش ، ایستر کورمہ مش اولہ لم .. آرتق ماضی یہ
قاریشمش صاییلہ جغمز ایچون ، بوکون دوشونہ جکمز برشی وارسہ
اودہ استقبالدہ ، یعنی اولادلریمزدہ .

چو جوقلری مزہ کنندی تربیہ میزی ویرمہ یہ قالقیشیرسہ ق جنایت
ایشلہ مش اولورز . حکمتی طوغرودن طوغرویہ پیغمبردن تلقی ایدن
جناب علی دیورکہ : « جکر پارہ لریکزه یالکر کنندی تربیہ کزی